

曲

選

梅

吳

選

曲

印 部 版 出 學 大 山 中 一 第 立

中華民國十六年十一月印

每冊定價三角五分

編輯者 吳梅

印刷者 國立第一中山大學出版部

發售者 國立第一中山大學出版部
廣州各大書坊

曲選

北曲部南北合套附

秦淮遊賞

明陳大聲

曲

（黃鍾醉花陰）深淺荷花二三里。彷彿似王維畫裏。涼雨過晚風微。小舫輕移。來往垂楊底。好風景喜追陪。萬斛塵襟皆蕩洗。（喜遷鶯）人生佳

遊

會。與詞林三五相知。忘機。盡都是儒林布衣。睥睨乾坤更許誰。湖海氣。一會價藏圖賭令。一會價射覆分題。（出隊子）五陵佳氣。笑談間出衆奇

1

。一個個子瞻文藻許相齊。司馬才華可並推。杜牧疏狂堪共比。（么篇）東吳佳麗。水雲鄉事事宜。幾行沙鳥傍人飛。數點征帆帶雨歸。一片漁歌花外起。（刮地風）多少興亡殘照裏。鎖蒼烟禾黍高抵。慨淒涼自古繁華地。物換星移。一處處古臺幽砌。一叢叢野花荒薺。梁家爭。晉家霸。你與我廢。從前不索題。笑呵呵且自銜杯。（四門子）列金釵十二雲鬟立。綺羅

交珠翠圍。秦淮十里南風醉。問仙姝來怎遲。金縷歌。象板催。樂陶陶儘
 拚沉醉歸。錦瑟又彈。鳳管又吹。一弄兒歌聲潤美。（水仙子）將將將日
 墜西。（見見見）雪浪驚濤拍岸回。（紛紛宿鳥飛還）閃閃閃殘霞飄墜。呀呀
 呀兩三家半掩扉。（喜喜喜）送黃昏遠寺鐘聲碎。看看看燈火見依稀。（尾聲）
 載酒重來是何日。重來時切莫相違。當言道閒處光陰能享幾。

賞秋

元劉東生

（黃鐘醉花陰）玉宇金風送殘暑。半霎兒輕雲細雨。秋意滿庭除。珊枕紗
 幘頓覺涼如許。（喜遷鶯）欲試繡羅襦。喚小玉鸞龍涎熏翠縷。睡紅生玉
 。映菱花秋水芙蓉。粧梳。點蘭膏和鳳酥。百寶光涵絡臂珠。整佩珪。步
 雲階縹緲。對秋景歡娛。（出隊子）綠窗朱戶。弄新晴曉日初。合歡牀鋪
 苦翠氈。連珠幄纓聯珠珞籛。一似蓬島仙家碧玉壺。（卜算子）園林景物
 。寫秋光作畫圖。芙蓉傍水錦千株。丹桂迎風香萬畝。掩映看楊柳梧

密處。(公篇)紫薇香露。染霞綃攢細粟。鳳仙開九苞秋暖錦毛舒。玉簪綻
六出花含檀韻吐。又早見亂撒金錢籬下菊。(公篇)淡烟濃霧。看山光乍有
無。嗚嗚嗚賓鴻出塞遠相呼。嗚嗚嗚社燕辭巢嬌對語。滴溜溜紅葉隨風零
亂舞。刮地風)一弄見秋聲不斷續。真乃是萬籟笙竽。一年好景休虛負。
漸看那柳敗荷枯。畫屏般碧雲紅樹。綿繡似彩鷺白鷺。爽氣浮。日影疎。
送長天落霞孤鷺。掃纖塵。淨太虛。見冰輪飛出雲衢。(西子門)別團圓
碾破銀河路。放寒光照九區。上南樓似入清虛府。捲珠簾遙望舒。列玳筵
。倒玉壺。簫聲似彩鸞雙鳳雛。引小鬟。擁豔妹。擺列着清歌妙舞。(水
仙子)浴金波。泛綠醕。直吃到斗柄橫斜桂影疎。畫燭高燒。玉山低促。
拚着個沉醉花前紅袖扶。問嫦娥今夜何如。願天長地久爲眷屬。這是的人
間天上團圓處。儘今生歡愛永無虞。(案兒令)煞強如。煞強如。廣寒宮一
世幽居。常則是舞罷霓裳鏡鸞孤。珊枕剩。翠衾餘。空自把青春誤。(掛

金木）＊無嫌燈月交輝。素魄流香霧。嬌潤滿粉黛成行。清影涵瓊樹。立
 亭亭羅襪牛涼。疑是凌波步。（舞）霜袂乘風。恍若飛仙去。（尾聲）不覺
 涼生桂花露。猶兀自醉眼模糊。共倚着欄杆十二曲。

閨思

元關漢卿

（黃鐘侍香金童）春閨院宇。柳絮飄香雪。簾幕輕寒雨乍歇。東風落花迷粉
 蝶。芍藥初開。海棠纔謝。（公篇）柔腸脈脈。新愁千萬疊。偶記年前人乍
 別。秦臺玉簫聲斷絕。雁底關山。馬頭明月。（降黃龍袞）鱗鴻無個。錦箋
 情寫。腕鬆金。肌削玉。羅衣寬徹。淚痕淹破。胭脂雙頰。寶鑑愁臨。翠
 鈿羞貼。（公篇）等閒辜負。好天良夜。玉爐中。銀台上。香消燭滅。鳳幃
 冷落。鶯裘虛設。玉笋頻搓。繡鞋重跌。（出隊子）鶯子規啼血。又西樓角
 韻咽。半簾花影自橫斜。畫簷間。丁東風弄鐵。紗窗外。琅玕敲瘦節。（公篇）銅
 壺玉漏催淒切。正更蘭人靜也。金闌滿灑轉傷嗟。蓮步輕移喚侍妾。把香

卓兒安排打快些。(神仗兒煞)深沉院舍。蟾光皎潔。整頓了羅裳。把名香
 謹爇。深深拜罷。頻頻禱祝。不求富貴豪奢。只願得俺兩人早早圓聚者

春遊

明楊彥華

(正宮端正好)柳輕柔。花嬌媚。春雲淡日色輝輝。曉來枝上鶯聲細。似喚
 起遊春意。(滾繡珠)柳陰中驕馬嘶。花陰外好鳥啼。看蜂蝶採花成隊。巧丹青
 粧點屏圍。這壁廟令鼓催。那壁廟妙舞宜。採花枝玉纖相遞。戲鞦韆畫板沾泥
 。高張翠蓋嬌紅粉。慣走青驄俊綠衣。堪貴堪題。(倘秀才)牡丹亭嬌容膩
 體。芍藥圃濃香豔蕊。玉蕊山茶間紫薇。素珍珠明含笑。紅錦被映茶薇。
 海棠花似烟霞照水。(脫布衣)一處處士女遊嬉。一攢攢醉客尊罍。一簇簇笙
 歌韻美。一步步管絃聲沸。(小梁州)沽酒樓前人聚集。掩映疏籬。桃花似
 錦柳依依。蒸和氣。賽閬苑勝瑤池。(么篇)江南自古繁華地。勝追遊盡醉
 方歸。遊處綠鴨浮。沙暖處紅鴛睡。風流佳致。富可裡杜鵑啼。(煞尾)遊

春不覺金烏墜。乘興還隨玉兔回。倒玉頰山醉似泥。相賞休遲。莫負芳菲看了這萬紫千紅端的是畫圖裏

贈羅江城

明陳蓋卿

曲

還

（正宮端正好）不放綠樽空。不厭青山眺。任疏狂白髮蕭騷。好將大夢閑中覺。倚杖掀髯笑。（滾繡球）破窮愁充棟書。傲風塵短布袍。有臥竹林稽康才調。有醉樓頭孫楚丰標。恰候芭間奇字還。又淮南叢桂招。對西風欹斜烏帽。伴殘陽歸路旣醺。百年身向柴桑隱。千載名懸山斗高。懶慢由巢。（倘秀才）常對局藏圖畫閣。常踏雪披雲萬壑。常選勝在野草閒花朱雀橋。常載酒。長干道。興盡還。塞鴻秋）羞將短刺懷中抱。愛將香餌溪邊釣。翻將古曲琴心操。攜將細茗花前淪。人生似寄身。可負當場笑。因此上年來寡和陽春調。脫布衫）你也會採芹香泮水遊遨。你也會聽鐘聲蘭若逍遙。你也會探幽谷騎牛玄妙。你也會悟濠梁羨魚的真樂。（小梁州）你也會笑倩盧姬鬪舞腰。你也會

按吳鉤光射青霄。你也會揮毫池上墨花飄。你也會千金諾。你也會罵坐氣粗豪。《公篇》承歡膝下弓裘紹。盡翩翩文雅風騷。見如今婚嫁完。只合訂溪山約。閑開懷抱。把今古問漁樵。《煞尾》千秋人物樽前弔。六代河山賦裏描。端不負風流江表。酒與你金石投交。雲水相邀。月上溪頭共傾倒。

漁家樂

元闕名

《正宮端正好》釣艇小。苦寒波。簑笠軟。欺風雨。打漁人活計蕭疎。農家鸚鵡洲邊住。對江景真堪趣。《滾繡球》白蘋渡。如雪堆。紅蓼灘。似錦鋪。野間自來自去。暮雲閑。或捲或舒。日已無。月漸出。映蟾光滿川修竹。助風聲兩岸黃蘆。收綸罷釣尋歸去。美酒魚鮮樂有餘。此樂誰如。《倘秀才》睡時節把扁舟纜住。覺來也流在蘆花淺處。蕩蕩悠悠無束拘。市朝遠。故人疎。有漁夫作伴侶。《脫布衫》雨纔過山色模糊。日初升樹影扶疎。却離了聚野猿白雲洞口。早來到散清風綠陰深處。《醉太平》相逢伴侶。豈問賢愚。

。人間開口說樵夫。俺會談今論古。放懷講會詩中句。忘憂飲會杯中趣。消閒釣會水中魚。心足意足。(尾聲)樵夫別我山中去。我別樵夫水上居。來日相逢共一處。旋打香醪旋取魚。散誕逍遙看古書。問甚麼誰是誰非俺兩個慢慢的數。

送葉泮西內臺

明金白嶼

還曲
(正宮端正好)雪纔晴。寒猶重。正扶桑曉日曛曛。宿醒未解離歌動。驚起幽人夢。(過繡球)我恰纔望見旌霄漢間。走天街塵霧中。也不知繞畫橋幾多車從。鳳臺西白鷺州東。詩吟數三五篇。酒斟來十數鍾。他那裏錦鞋低控。紫貂裘斜壓青驄。逍遙江樹人千里。縹渺雲山路幾重。別恨匆匆。(倘秀才)只見風灑灑寒潮亂湧。烟漠漠孤峯半聳。回首天涯西復東。嗟浪跡。嘆浮踪。離懷萬種。(賽鴻秋)我這裏年來萬樹桃花洞。春來句幾椒花頌。閑來一枕梨花夢。醒來數曲梅花弄。雖爲堯舜農。不識商周貢。爭如你孤鳴久作丹

山鳳。(脫布衫)本先朝禮樂名公。況傳家忠孝門風。論道德常遵周孔。說勳庸久推姚宋。(小梁州)恰道當年許敬宗。慣逢青白遺踪。百年宦轍喜初通。還珍重。更詞氣蕩雍雍。(公篇)美才只合爲時用。多袍寬滿座春風。思雅致。懷高詠。止不過暫時陪奉。何日再相逢。(貨郎兒)又買了幾盞兒江頭新甕。醉不了我衰年老翁。現放着竹爐湯沸火初紅。那些個暮雲春樹。渭北江東。只落的野渡無人舟自橫。(醉太平)從今後輕裝細雨。匹馬西風。行行遙聽景陽鐘。望天門九重。黃塵古道衝寒凍。青燈旅館添歸夢。白雲親舍覓征鴻。正值着暮冬。(煞尾)南臺萬里重相送。北闕三年始奏功。那時節聖明端拱。九五飛龍。環珮春風。獨向新年荷新寵。

園亭賞大紅牡丹

明 金白嶼

(仙呂點絳脣)麗日偏長。煖風初蕩。亭台上。多少春光。堪與遊人賞。
(混江龍)這也是主人情況。等閑開宴出紅粧。絳羅高捲。繡幙低張。萬里

妖燒誇國色。十分佳麗逞天香。喜孜孜輕颭石榴裙。巍巍嬌閃芙蓉帳。想當日羞稱魏紫。到而今誰數姚黃。（油葫蘆）自古名園說洛陽。試看那月波圓棠棣坊。一任教五陵豪貴盡爭強。那裏也蜂蝶閑來往。儘着他桃李爭開放。嘆芳時有幾多。賞花時能幾場。早蕭蕭白髮三千丈。怎禁他春色笑人忙。

（天下樂）看了這笑臉生春酒暈香。新粧。點胭脂上海棠。恰勝似列金釵十二行。那買花錢不害疼。惜花心偏較癢。還只待醉佳人錦瑟旁。（那吒令）纔出

的洞房。涇浸浸露涼。剛行過粉牆。緩緩融融日光。恰來到畫堂。漸微微雨香。金粧成西子。玉碾就楊妃像。怎教他美名兒不占花干。（鵲踏枝）我這種細

度量。不尋常。着句兒推敲。好話兒包藏。不爭你能培慣養。落得個艷抹濃粧。（寄生草）也不用元稹賦三千字。也不用太白詩一兩章。常只要名花歲歲

樽前放。芳樽日日花前釀。清歌夜夜燈前唱。便有那美言詞序不盡你好襟懷。巧丹青畫不出他嬌模樣。——賺煞——說風流衆怎如論富貴花皆釀。況值著清和艷

陽。燕子飛來簾半敞。醉淋漓舞袖郎當。轉迴廊。月色蒼蒼。猶自傳杯夜未央。剛離了芍藥園旁。却又早沉香亭上。愛你個白頭翁常伴着紫雲娘。

遊赤壁

（點絳脣）萬里長江。半空虛浪。驚濤響。東去茫茫。遠水天一樣。（混江龍）壬戌秋七月既望。泛舟屬客落何方。過黃泥之坂。遊赤壁之旁。銀漢無聲秋氣爽。水波不動晚風涼。聽明月之句。歌窈窕之章。少然月出東山上。紫微貫斗。白露橫江。（油葫蘆）四顧山光接水光。天一方。山川相互鬱蒼蒼。風流千古人惆悵。崔嵬一帶山雄壯。西望夏口。東望武昌。沿江殺氣三千丈。此非是曹孟德困周郎（天下樂）隱隱雲開見漢陽。荆也麼襄。幾戰場。下江水流金鼓響。旌旗一片遮。船離千重長。則贏得漁樵做話講。（那吒令）橫槊賦詩。是皇家棟梁。臨江釀酒。是將軍虎狼。修文偃武。是朝廷紀綱。如今安在哉。一代英雄壯。空留下水國魚邦。（鵲踏枝）水茫茫。樹蒼蒼。

曲

還

大火西流。烏鵲南翔。浩浩乎不知所往。飄飄乎似覺飛揚。(寄生草) 夢流
海知一粟。哀生吾之幾場。舉匏樽痛飲偏豪放。披飛仙羽化真舒暢。數流
光易逝多惆悵。當年不爲小喬羞。只今惟有長江浪。(賺煞) 休把洞簫吹。
再把新詞唱。舞子正中坐掀髯鼓掌。洗盡重新更舉觴。眼縱橫醉倚蓬窓。
怕疏狂。錯亂了官商。餽饌盤空夜未央。酒入醉鄉。枕藉舟上。不覺的朗
然紅日出東方

春怨

元楊西菴

(仙呂賞花時) 花點蒼台繡不勻。鶯喚垂楊語未真。簾外絮紛紛。日長人困
，風暖獸烟溫。(么篇) 再不去闌坐珠樓誇好春。再不去暗擲金錢卜遠人。只
一捻小腰身。舊時衣梢。寬放出二三分。(賺煞) 調養就舊精神。妝點出嬌風
韻。消息好護春蔥一雙玉笋。拂綽了香冷粧匣寶鏡塵。每展開繁東風兩葉
眉顰。曉粧新。綰起烏雲。也不管暖日珠簾鵲噪頻。從今後鴉鳴不嗔。燈花

休問。一任他子規聲啼破海棠魂。

送汪小村歸廣陵

明金白嶼

（仙呂點絳脣）四海高情。五湖佳興。詩中景。都收入半卷丹青。落魄無拍手歌隨心令（混江龍）他可也樂天知命。不通姓字不貪名。漁樵故侶。鷗鷺閒盟。歡樂較多愁較少。道情爲重利爲輕。常則是棋枰藥裏。酒頰茶經。廝倖倖。滿面見春風和氣。秋水澄清。（天下樂）落得個半世青袍白髮生。想着他前程。水上萍。暢好是哭窮途阮步兵。纔看破眼角兒怕待睜。慣轉動腳跟兒怕待行。剛溫熱心腸兒怕待冷。（那吒令）想着他與風雲狀形。筆精右丞。託江山寄情。詩工少陵。今日個困林泉此生。氣消禰衡。甘守着原憲貧。在耽了相如病。兀自惺惺。鵲踏枝。愛你個老先生。最多情。不忘了十載交遊。又無甚千里途程。駕着個苕溪小艇。來訪我曲水閒亭。（寄生草）只把你爲平仲。休猜明是管寧。我和你五侯七貴曾相並。九衢

六市間相競。千紅萬紫爭相勝。還只待新萼一醉洞庭春。誰承望故人三疊陽關令。（公篇）漸漸的秋容改。看看的暮景生。我只見半天殘照風帆正。數聲短笛漁舟橫。霎時間一江涼月蘆花映。明朝騎鶴上揚州。何時載酒來陶徑。（六公序）聽葉落千林響。正潮回兩岸平。最相關此際離情。你可甚明掩孤檠。漏下三更。尙兀自擁寒衾夢繞金陵。我愁心況復逢衰病。怎禁他一片秋聲。芙蓉未老霜花冷。涼颼漸起。殘月猶明。（賺煞）還將來歲盟。重與今宵訂。須記得江南風景。切莫教霜寒雁影橫。等閒間花老鶯聲。錦層層。水秀山明。依舊王孫芳草青。折莫你樓書摘星。橋題廣陵你可也遙想着莫愁湖畔石頭城。

春暮懷人

元張小山

（中呂粉蝶兒）花落春歸。怨啼紅杜鵑聲脆。遍園林景物狼籍。草茸茸。花朵朵。柳搖深翠。開遍荼蘼。近清明困人天氣。（醉春風）粉暖積蜂鬚。泥